

四庫全書

史部

欽定四庫全書

金璫琳琅卷六

明都穆撰

漢酸棗令劉熊碑

君諱熊字孟

闕

廣陵海西人也厥祖天皇大帝垂精接

感篤生聖明

闕

仍其則子孫亨之分源而流枝葉扶疏

出王別胤受爵列土封侯載德相繼丕顯

闕五

光武皇

帝之玄孫廣陵王之孫俞鄉侯之季子也誕生照明岐

崐踰絕長

闕四

柴守約履勤體聖心叡敦五經之瑋圖

兼古業覈其妙行脩言道

闕五

宜京夏莫不師印六籍

五典如源如泉既練州郡卷舒委隨忠貞

闕效官

闕三

出省楊土流化南城政猶北辰衆星所從三祀有成來

臻我邦循東

闕

之惠抑

闕

禮官賞進厲頑約之以禮博

之以文政教始初慎徽五典勤恤民殷

闕

心顧下

闕二

仁恩如冬日威猛烈炎夏貪宄革情清脩勸慕德惠潛

流鬯芳旁布尤愍縣

闕

濟濟之儀孜孜之踰帥厲後學

致之雍泮草上之風莫不嚮應悅誨日新砥

闕二

素七業

勃然而興咸居今而好古雖未盡道善必有所由處民之

秉彞實我劉父其人魯無君子斯焉取旃允我劉父言善

誘人講禮習聆匪徒豐學屢獲有年

闕

載充成神民協欣

兩不相傷故德交歸焉自古在昔先民有作洪勲則甄盛

德

闕

刻表諸來世垂之罔極裒賢表善揚幽拔微式序在

位量能授宜官無曠事

闕二

為正以卒為更愍念庶民勞

苦不均為作正彈造設門更富者不獨逸樂貧者

闕

順四

時積和感暘歲為豐穰賦稅不煩寔是我劉父吏民愛若慈

父畏若神明悔

闕

令德清越孤竹德年產奇誠宜褒顯照

其憲則乃相

闕

咨度諏詢采摭謠言刊

闕

詩三章其辭曰

清和穆鑠寔惟乾

闕一字

惟嶽降靈篤生我君服骨叡聖

允鍾厥醇誕生岐嶷言協

闕

墳懿德震耀孝行通神動履

規繩文彰虎續成是正服以道德民

有父子然後有君臣理財正辭束帛

闕

夢刻像鶴

鳴一震天臨保漢寔生

闕

勲明試賦授夷夏已親嘉錫

來撫潛化如神其神伊何靈不傷人

猗歟明哲秉道之樞養

闕

之福惟德之偶淵乎其長渙

乎成功

闕

暇民豫新我

闕

通用行則達以誘我邦賴茲

劉父用說其

闕

澤零年豐黔首歌頌

右漢酸棗令劉熊碑集古錄作俞鄉侯季子碑且謂

碑云君諱熊字孟下缺一字復引後漢書光武子曰

廣陵思王荆荆子元壽等四人皆封鄉侯而不載其

名俞鄉侯者不知為誰金石錄引酈道元水經注云

酸棗城內有漢縣令劉孟陽碑則所缺一字當從水
經為陽又引李利涉編古命氏及唐宰相世系表皆
云荆王生俞鄉元侯平平生彪襲封則熊當為彪之
弟乃光武曾孫而曰玄孫者碑之誤也隸釋謂歐陽
公不知碑在酸棗無以名其官遂謂之俞鄉侯季子
碑而引王建題此碑詩云不向圖經中舊見無人知
是蔡邕碑而又疑其非中郎筆法予則以為建生於
唐其云蔡邕碑者蓋本之圖經而非鑿空而言洪氏

不當於此而疑之也

淳于長夏承碑

君諱承字仲充東萊府君之孫太尉掾之仲子右中郎
將弟也累葉牧守印綬典據十有餘人皆德任其位名
豐其爵是故寵祿傳於歷世策薰著於王室君鍾其美
受性淵懿含和履仁治詩尚書無覽羣藝靡不尋暢州
郡更請屈已匡君為主簿督郵五官掾功曹上計掾守
令冀州從事所在執憲彈繩糾枉忠潔清肅進退以禮

允道篤愛先人後已克讓有終察孝不行大傳胡公歆
其德美旌招俯就羔羊在公四府歸高除淳于長到官
正席流恩褒善糾姦示惡旬月化行風俗改易輶軒六
轡飛躍臨津不日則月皓天不弔殲此良人年五十有
六建寧三年六月癸巳淹疾卒官嗚呼痛哉臣隸辟踊
悲動左右百姓號咷若喪考妣孩孤憤泣忉怛傷摧勒
銘金石惟以告哀其辭曰

於穆皇祖天挺應期佐時理物紹蹤先軌積行勤約燕

於孫子君之羣戚並時繁祉明明君德令問不已高山
景行慕前賢列庶同如蘭意願未止中遭冤反不終其
紀夙世實祚早喪懿寶抱器幽潛永歸萬里痛矣如之
行路感動儻魂有靈垂後不朽

右漢淳于長夏承碑金石錄云元祐中洛州因治河
得之於土壤中刻畫完好如新隸釋云此碑字體奇
怪唐人蓋所祖述又引梁庾元威論書載隸有十餘
種此乃其間之一體宋鄭僑書衡云漢石經諸刻乃

隸體八分夏承碑乃篆體八分然三家皆不言為何人書也元王文定公憚跋此碑云蔡邕書夏承碑如夏金鑄鼎形模怪譎雖蛇神牛鬼厖雜百出而衣冠禮樂已胚胎乎其中所謂氣凌百代筆陣堂堂者乎予由是始知為中郎之蹟碑在今廣平府學後刻尚書蔡邕伯喈及永樂七年等字乃庸妄人所加然心竊疑之楊文貞公集中亦有此跋謂近歲廣平府民因治河得此蓋廣平古名地也所謂近歲恐即永樂

七年予向官京師時廣平通判山西宋孟清為予言
府學復有一碑字與此類予益疑焉江陰徐子擴好
奇士也嘗得舊刻雙鉤其字近以惠予與此絕異此
云勤紹舊刻作勤約且其間字之闕者四十有五而
此獨完好則其偽不俟乎言而予昔日之疑始釋然
矣

楊公跋又謂中書舍人陳登以碑為蔡伯喈書蓋不
攷王氏文集之故後公撰登墓志言永樂間以篆書

名者登之外有吳中滕用亨及四明王尹實予觀三家之篆用亨第一登不能逮若尹實則惟用燥筆入在登之下登門人有程南雲者以篆書得至顯官其用筆雖孰然殊乏古法觀此亦可以知其師矣

漢西嶽華山廟碑

周禮職方氏河南山鎮曰華謂之西嶽春秋傳曰山嶽則配天乾坤定位山澤通氣雲行雨施既成萬物易之義也祀典曰日月星辰所昭仰也地理山川所生殖也

功加於民祀以報之禮記曰天子祭天地及山川歲徧
焉自三五迭興其奉山川或在天子或在諸侯是以唐
虞疇咨四嶽五歲壹巡狩皆以四時之中月各省其方
親至其山柴祭燔燎夏商則未聞所損益周鑒於二代
十有二歲王巡狩殷國亦有事于方嶽祀以圭璧樂奏
六歌高祖初興改秦淫祀太宗承循各詔有司其山川
在諸侯者以時祠之考武皇帝脩封禪之禮思登假之
道巡省五嶽裡祀豐備故立宮其下宮曰集靈宮殿曰

存僊壁門曰望僊門仲宗之世重使使者持節祀焉歲一禱而三祠後不承前至於亡新竊用丘虛訖今垣趾營兆猶存建武之元事舉其中禮從其省但使二千石以歲時往祠其有風旱禱請祈求靡不報應自是以來百有餘年有事西巡輒過享祭然其所立碑石刻紀時事文字摩滅莫能存識延熹四年七月甲子弘農太守安國亭侯汝南袁逢掌華嶽之主位應古制脩廢起頓閱其若茲深達和民事神之義精通誠至禘祭之福乃

按經傳所載原本所由銘勒斯石垂之於後其辭曰

巖巖西嶽峻極穹蒼奄有河朔遂荒華陽觸石興雲雨
我農桑資糧品物亦相瑤光崇冠二州古曰雖梁馮于幽
岐文武克昌天子展義巡狩省方玉帛之贄禮與岱元六
樂之變舞以致康在漢中葉建設宇堂山嶽之守是秩
是望侯惟安國兼命斯章尊修靈基肅共壇場明德懽
馨神歆其芳遏禳凶札肇歛吉祥歲其有年民說無疆
袁府君肅恭明神易碑飾闕會遷京兆尹孫府君到欽

若嘉業遵而成之延熹八年四月廿九日甲子就袁府君諱
逢字周陽汝南汝陽人孫府君諱璿字山陵安平信都
人時令朱頡字宣得甘陵鄒人丞張昉字少游河南京人
左尉唐佑字君惠河南密人主者掾華陰王萇字德長

京兆尹勅監都水掾霸陵杜遷市石遣書佐新豐郭香察

書刻者潁川邯鄲公修蘇張工

闕君闕

右漢西嶽華山廟碑予得之御史宋君良弼集古錄
引碑文云漢武帝巡省五嶽立宮其下宮曰集靈殿

曰存仙門曰望仙而以為集靈宮者他書皆不見惟
見此碑金石錄引漢地理志云華陰有集靈宮水經
注云敷水北經集靈宮而謂不特此碑載之及觀之
董氏書跋云集靈宮漢志既書之桓譚嘗賦之張景
序曰世宗經集靈之宮而復謂三輔黃圖書其制度
藝文類聚亦書其名則又金石錄之所未及者此亦
可以見博古之難矣

此碑後題云新豐郭香察書楊文貞公跋謂漢魏之

碑多不載書刻人氏名此獨詳焉遂因之有聞於今而文貞惟以為郭香書而不曰香察其意蓋疑香察不類人名故也隸釋云東漢循王莽之禁人無二名郭香察書者察莊他人之書其說為得此文貞之所未知然洪氏亦不言為何人書也按徐浩古迹記以碑為蔡中郎書浩深於字學且生唐盛時殆非鑿空而言者洪氏失之於不考耳

漢玄儒先生婁壽碑

先生諱壽字元考南陽隆人也曾祖父脩春秋以大夫侍講至五官中郎將祖父太常博士徵朱爵司馬親父安貧守賤不可營以祿先生童孩多奇岐嶷有志挽髮傳業好學不厭不修廉隅不飾小行溫然而恭慨然而義善與人交久而能敬榮沮溺之耦耕甘山林之杳藹遁世無悶恬佚淨漠遲衡門下學上達有朋自遠冕紳莘莘朝夕講習樂以忘憂郡縣禮請終不回顧高位厚祿固不動心麤絺大布之衣糲糲蔬菜之食蓬戶茅

宇樞樞寬牖樂天知命確乎其不可拔也是以守道識真之至

士音高尚其事鄉鄰

闕

親愛懷年七十有八熹平三年正月

甲子不祿國人乃相與論德處諡刻石作銘其詞曰

皇矣先生懷德惟明優于春秋玄嘿有成知賤為貴與
世無爭渾儀衡門禮義滋醇窮下不苟知我者天身歿
聲常千載作珍繇之日月與金石存

右漢玄儒先生婁壽碑集古錄云在光化軍乾德縣
子自夷陵貶所再遷乾德令壽有墓在谷城界中而

碑在墓側遂遷碑還縣立於勅書樓下則碑在當時
得免於毀棄者歐陽公之力也隸釋云玄儒先生蓋
國人私謚猶陳寔之文範法真之元德而其末流之
弊更相標榜三君八顧之目紛然而奇禍作矣予謂
漢人之好標榜其罹禍固宜然自漢至今千有餘年
而私謚不廢亦未聞有罹禍者此又不可以執一論
也光化軍即今襄陽府之光化縣而乾德亦其地云
漢蕩陰令張君碑

君諱遷字公方陳留己吾人也君之先出自有周周宣
王中興有張仲以孝友為行披覽詩雅煥知其祖高帝
龍興有張良善用蕭何在帷幕之內決勝負千里之外
析珪於留文景之間有張釋之建忠弼之謨帝遊上林
問禽狩所有苑令不對更問嗇夫嗇夫事對於是進嗇
夫為令令退為嗇夫釋之義為不可苑令有公卿之才
嗇夫喋喋小吏非社稷之重上從言考武時有張騫廣
通風俗開

關一
字

幾寓南苞八蠻西羈六戎北震五狄東

勒九夷荒遠既賓各貢所有張氏輔漢世載其德爰既
且於君蓋其續縶續戎鴻緒牧守相係不殞高問孝弟
於家忠謇於朝治京氏易聰麗權略藝於從畋少為郡
吏隱練職位常在股肱數為從事聲無細間徵拜

闕一
字

中除穀城長螯月之務不閑四門牘正之際休囚歸賀
八月兵民不煩於鄉隨就虛落存恤高年路無拾遺黎

種宿野黃巾初起燒平

闕一
字

市斯縣獨全子賤孔茂

闕二

字道區別尚書五教君崇其寬詩云愷悌君隆其恩東

里潤色君垂其仁邵伯分陝君懿于棠晉陽珮璫西門

帶弦君之體素能雙其勛流化

闕一字

基遷蕩陰令吏民

頡頏隨送如雲周公東征西人怨思奚斯讚魯孝父頌
段前喆遺芳有功不書後無述焉於是刊石整表銘勒
萬載三代以來雖遠猶近詩云舊國其命惟新

於穆我君既敦既純雪白之性孝友之仁紀行來本蘭生有
芬克岐有兆綏御有勛利器不覲魚不出淵國之良幹
垂愛在民幣沛棠樹溫溫恭人乾道不繆唯淑是親既多

受祉永享南山千祿無疆子子孫孫

惟中平三年歲在攝提二月震節紀日上旬陽氣厥枿
感恩舊君故吏韋明等僉然同聲賃師孫興刊石立表
以示後昆共享天祚億載萬年

右漢蕩陰令張君碑碑云君陳留己吾人治京氏易
少為縣吏徵拜郎中除穀城長遷蕩陰令後云中平
三年二月故吏韋萌等刊石立表蓋其去思碑也字
特完好可讀漢碑中之不易得者攷之東漢地里志

蕩陰屬河內郡即今彰德府之湯陰縣已吾屬陳留郡即今開封府之夏邑縣

此碑予官京師時嘗於景太史伯時處見舊搨本不及錄近得之友人文徵仲按隸釋云東漢及魏其碑到今不毀者十才一二凡歐趙錄中所無者世不復有予生去宋數百年而此兩本見歐趙錄中盖未嘗載隸釋并隸續亦無其文通志金石畧所載碑目雖多然亦未之及乃知昔人之言未必可信而舊物之

在天壤間者固不可盡謂之無也

金薤琳琅卷六

欽定四庫全書

金薤琳琅卷七

明 都穆 撰

漢堂邑令費鳳碑

惟熹平六年歲格于大荒無射之月堂邑令費君寢疾卒
嗚呼哀哉於是夫人元弟故

闕三
字

守卜肩追而誄之其辭曰

君體履柔和溫其如玉脩孝友乎閨闕執忠憲於王

室立迹州郡仕更右職舉直措枉強禦

闕

貸貢孝

三署勛譽有則出宰近甸民懷厥德色斯輕翔翻然高

潔王人述職分

闕班爵台

闕二

招助鼎調物退已進弟

不營榮祿栖遲歷稔項領滯畜鄣土不庭黔民作

闕一字

命君

闕二字

政化

闕

行從善遷惡三朞致道有耻且格牧

守旌功轉在堂邑垂拱不言而民帥伏三時之間卒以

闕洽旻天不弔命也早歿春秋六十六黎儀瘁傷泣涕

連灑豈愛我躬命不可贖臨終迷

闕三字

內發祖業良田

畝直一金推予弟息辭位讓財行義高邵卓不可及名

實相副有始有卒

闕二字

人善癉方切惻

故吏故鄣施業字世堅義民堂邑戚忠忠年十有一慈考

早隕喪以備於禮制蓬首而

闕三字

壤而消辟地

闕三字

行母

氏以

闕四字

而悼傷服

闕

非五五縗杖莫未除廣陵之郡

守東海

闕二字

聞寢疾而終卒凡百普悲

闕四字

舜化比屋之

餘慶隨

闕

棺柩車哀以而逆之祖載已畢託還返其故鄉

君

闕

其節操悲其有

闕二字

每以

闕五

其老親忠

闕二字

君厚

德念君之仁恩聞君之隕遂剝斷而辛酸復截縗麻杖

君之柩棺扶號而竭

闕

泣涕其

闕

甫於岐山

闕

其從之

速君而到官上書而薦君盡禽息之

闕

君之

闕

君

闕

三

闕

於山

闕

列種嘉竒樹特為之潤解忠業與

闕

二

猶君恩使然雖君有大化孰能爾者難子喪之終

闕

思

其顏而

闕

死可贖不愛

闕

人今君

闕

於彼卓謫而超

倫吏民慕高蹤來者其如雨偉名建

闕

一

石垂示於

闕

二

門下功曹徐侃字元節主簿呂嘉字元

闕

主吏陳信

字聖舉主記史

闕

忠字建臺門下游徵

闕

二

字叔騰

門下賊曹

闕字

字聖臺門下史曹助字仲臺

闕

吏呂常

字孝讓從掾位徐超字元貴

右漢堂邑令費君碑乃吾夫人之弟卜所撰蓋誄
辭也辭之後載鄣土故吏施業堂邑義民戚忠皆竭
力送終而忠之所行尤為卓絕攷之費君沒時忠有
廣陵之役既聞訃來奔祖載還鄉及葬有期復截哀
麻扶號柩前列植丘木誠可謂之義矣漢去古未遠
故民俗之厚如此若後世其可得哉

漢堂邑令費鳳別碑

君舅家仲孫甘陵石勛字子才載馳載驅來奔于喪庭
肝催意悲感切傷心瞻彼碑誄懷之好音司馬慕蘭相
南容復白珪仰之以彌高鑽之而彌堅不堪哀且思叙
詩之一篇庶幾昔子夏起夫子之所言其辭曰

君諱鳳字伯蕭梁相之元子九江太守之長兄也世德
襲爵銀艾相亞恢遐祖之鴻軌拓前代之休蹤逸越而難繼
非羣愚之所頌仁義本於心慈孝著於性言不失典術

行不越矩度清潔皦爾渥而不澤恤憂矜危施而不記
由近及遠靡不覆載故能聞令名而雲騰揚盛聲而風
布踐郡右職三貢獻計辟州式部忠以衛上漢安二年
吳郡太守東海郭君以君有遠虵之節自公之操年卅
一舉孝廉拜郎中除陳國新平長神化風靡惠以流下
靜而為治匪煩匪擾乾乾日禊關二此黔首功成事就
色斯高舉宰司委職位思賢以自輔玄懿守謙虛白駒
以關一隍丹陽有越寇沒關四命君討理之試守故鄣

長蓋危亂有不讓又畏此之

闕二字

而

闕牧爰止其師旅

鷗若飛鷹鷂

闕一字

若夫號虎彊者綏以德弱者以仁撫

簡在上帝心功訓而特紀輜輿宰堂邑暮月而致道祝

闕四字

遂據于卿尹中表之恩情兄弟與甥舅焉與女蘿

性樂松之茂好聞君顯令名舉宗為歡喜不悟奄忽終

藏形而匿景耕夫釋耒耜桑婦投鉤管道阻而且長望

遠淚如雨策馬循大路褰裳而涉洧

闕二字

歌

闕一字

離思

黃鳥集于楚惴惴之臨穴送君於厚土嗟嗟悲且傷每

食闕不絕夫人篤舊好不以存亡改文平感渭陽悽愴
益以甚諸姑咸辟踊爰及君伯姊孝孫字元宰生不識
考妣追惟厥祖恩蓬首斬纓杖世所不闕為流稱於鄉
黨見吾若君存剥裂而不已一別會無期相去三千里
絕翰永忼慨泣下不可止

右漢堂邑令費鳳別碑歐陽公直以為費鳳碑趙明
誠則以為費鳳碑陰隸釋謂費氏父子三碑並列於
吳興校官蓋鳳之父汎為梁相有碑而鳳亦有碑

此則鳳中表石勛字子才之所述也集古後錄謂勛
不遠三千里而會中表之喪觀此情友親厚之心可
以悠然而生則隸釋所稱別碑為是三碑今皆不存
此予得之四明豐解元坊宋捐本也

漢溧陽長潘乾校官碑

蓋漢三百八十有七載

闕三字

于

闕四字

銘工著斯金石界誅曰

溧陽長潘君諱乾字元卓陳國長平人蓋楚大傅潘

崇之末緒也君稟資南

闕一字

之

闕四字

德之絕操髻髻

闕一
字 敏

學典謨祖講詩易剖演奧藝外覽百家衆

闕一
字 契聖抱不測之謀秉高世之介屈私趨公即仕佐

上郡位既重孔武赴著疾惡義形從風征暴執訊獲首

除曲阿尉禽姦剽猾寇息善歡履孤竹之廉蹈公儀之

絜察廉除茲初厲清肅賦仁義之風

闕三
字

之跡垂化放

乎岐周流愛雙乎

闕二
字

親賢寶智進直退慝布政優優

令儀令色獄無吁嗟之冤野無叩匈之結矜孤頤老表

孝貞節重義輕利制戶六百省無正繇不責自畢百姓

心歡官不失實於是遠人聆聲景附樂受一塵既來安

之

闕一

役三年惟泮宮之教反

闕一

俗之禮構脩學宮

宗懿招德既安以寧干侯用張遵豆用陳發彼有的雅

容

闕一

閑鍾磬縣矣于胥樂焉乃作叙曰

翼翼聖慈惠我黎蒸貽我潘君平茲溧陽彬文赴武扶弱抑

彊

闕一

刈骸雄流惡顯忠咨疑元老師賢作朋脩學童冠琢

質繡章寔天生德有漢將興尚旦在昔我君存今

闕一

此

龜父遂尹三梁永世支百民人所彰子子孫孫界爾熾昌

丞沛國銍趙勲字萼伯左尉河內汲董並字公房右尉豫章南昌程陽字孝遂時將作吏名戶曹掾楊淮議曹掾李就議曹掾桓檜戶曹史賀闕一字從掾位侯祖主記史吳超門下史吳訓門下史吳翔門下史時球

光和四年十月己丑朔廿一日己酉造

漢校官碑宋紹興十一年溧水尉喻仲遠得於固城湖濱置之官舍今在孔廟之大門右長樂陳長方雖嘗筆其所得本末釋文則未之見碑以靈帝光和四

年歲在辛酉造距今凡一千一百五十三年番陽洪景伯先生出字為之釋謂挈為契輩為黎畀為俾樹為野賚為責剡去其刀賢去其貝千侯與豸侯通尚旦謂太公周公可謂精審有據其餘不可辨者尚有二十七字今觀首行自三百字以下上斯字凡十有六字比之洪氏作釋文時又皆不可攷且如第三行之字之下是禱字禱下闕一字有天字敏之上是克字衆之下是僞字退之下是慝字役之上為復反之

下為失此之上為即皆隱隱可見洪則悲以為闕又
如既安且寧則以為呂寧梅檜則以為桓檜豈當時
誤於墨本而然耶涑陽志至謂元卓為元貞是又以
名乾而傳會也禧承乏於茲暇日與士友曹國傑摩
挲久之得其二三因以洪先生釋文列於上僭附所
見於其下勒諸樂石以補前脩之所未及者餘尚俟
博雅君子云至順四年龍在癸酉夏五月文學掾濟
陰單禧謹識

右漢溧陽長潘乾校官碑在今南畿溧水縣學蓋溧水即漢溧陽地也予初得此碑而不知其有釋文近始得之乃元至順四年校官單禧所為而刻之者也禧謂此碑宋紹興中縣尉喻仲遠得於固城湖濱置之官舍則其得免於毀棄仲遠之力也禧又有跋謂考訂碑文與隸釋不同者二十七字而復辨溧陽志之失可謂有功於文字者故備錄之

漢郎中鄭固碑

君諱固字伯堅著君元子也含中和之淑質履上仁

闕三

字

孝友著乎閨門至行立乎鄉黨初受業於歐陽遂窮

究於典籍膺游夏之文學襄冉季之政事弱冠仕郡吏
諸曹掾史主簿督郵五官掾功曹入則腹心出則爪牙
忠以衛上清以自脩犯顏謇諤造膝詭辭加以好成方
類推賢達善遂遁退讓當世以此服之邦后珍瑋以為
諸舉先屈計掾奉我闕貢清眇冠乎羣彥德能簡乎聖
心延熹元年二月十九日詔拜郎中非其好也以疾固

辭未滿期限從其本規乃邁凶愍年四十二其四月廿

四日遭命隕身痛如之何先是君大男孟子有揚烏之

才善性形於岐嶷

闕二
字

見於垂髫年七歲而夭大君夫

人所共哀也故建

闕

共墳配食斯壇以慰考妣之心琦

瑤延以為至德不紀則鍾鼎奚銘昔姬

闕二
字

武弟述其

兄綜

闕四
字

行於蔑陋獨曷敢忘乃刊石以旌遺芳其辭曰

於惟郎中寔天生德頤親誨弟虔恭竭力教我義方

導我禮則傳宣孔業作世模式從政事上忠以自勗貢

計王庭華夏歸服帝用嘉之顯拜殊特將從雅意色斯
自得乃遭氛災隕命顛沛家失所怙國闕忠直俯哭誰
訴仰號焉告嗟嗟孟子苗而弗毓奉我元兄脩孝罔極
竟而有靈亦歆斯勒

右漢郎中鄭固碑歐陽公謂碑文磨滅官闕卒葬年
月皆莫可考予家本磨滅尤甚蓋以去歐公之遠也
而隸釋所載文字獨完其云君著君之子延熹元年
四月廿四日遭命隕身年四十二則門闕與卒固可

考也歐公所錄在隸釋之前而乃云云若此不可曉也

漢廬江太守范府君碑

君諱式字

闕八字

功存有夏寔曰御龍

闕

胙商周世昭其

隆晉主夏盟有士會者光演弘謨翼崇霸業錫邑命族

闕為范氏則其後也君稟靈醇之茂度體玄亮之殊高

微柔懿恭明允篤恕九德靡爽百行淵備弘道耽藝恢

韜墳籍探賾研機罔深不入若乃立德隆禮樹節寶真

志諒足以弼國篤友足以輔仁用能昭其洪懿聲充宇

甸接華彥於汝墳潤枯斃於荆漢超管鮑之遐蹤信靈

粹乎炳煥是以闕化泉流芳闕鴻舊耀仁闡於權輿濟

俗侔乎皇訓群公偉焉弓旌盈路再讓考闕三府舉

高第侍御史拜冀州刺史糾剔瑕慝六教允施翰飛肅

於鷹揚典刑闕二軌闕帝闕其勲遷廬江太守擬泰和

以陶化昭八則以隆治彌闕弘略惠訓亡倦闕二協闕三

字齊闕二清源之深閎寶疏氏之至順以疾告辭韜光

潛耀詠琴詩以寧

闕九字

其猶充洽外內寔紹德之奧數

而儀民之淵表也未亮三事

闕三字

終

闕六字

常山相暨子

汜孫而脩嗣罔繼粵青龍三年正月丙戌縣長汝南薛

闕七字

感靈壇之不饗思隆懿模以紹奕世乃與縣之碩

儒咨典謨之中

闕字

同宗

闕三字

之胄昭告祖考俾守厥祀

本闕

著宣融之祚人神協休茂之慶焉禮也於是鄉

闕二字

字

上計掾翟循州部泰山從事史翟邵等僉以為君雖

輝名載籍光颺前列而靈墳亡

闕字

儀問靡述遂相與略

依舊傳昭撰景行刊銘樹墓以聲百世其辭曰

於昭上德實唐之胤誕表靈和蹈規履信窮神周覽祇道

之訓邁德徽猶鴻漸

闕

舊穢彼夸毗寶此醇懿以文會友以

仁翼

闕

敷化濟殖羣生以遂永言孝思民之攸陞如何

昊天不信其軌明德不報胤

闕

亡紀爰輯訓典詢爾髦

士育茲赫

闕

以永遐祉詒厥孫謀耀於萬祀

右漢廬江太守范式碑式仕漢為侍御史拜荊州刺

史遷守廬江官亦不卑而史氏列之獨行傳中蓋以

式之可重者在厚於友誼其官爵固可略也此碑但云篤友足以輔仁及云超管鮑之遐踪其外更無他語洪丞相謂未足以光颺盛德是已唐李嗣真書後品以碑為蔡伯喈書考之碑立於魏明帝青龍三年則非伯喈之筆明矣後鄭氏金石略亦云是蔡公書則又承書品之誤也

金薤琳琅卷七

欽定四庫全書

史部

金薤琳琅卷

八至十一

詳校官編修_臣潘庭筠

編修_臣程嘉謨覆勘

總校官庶吉士_臣倉聖脉

校對官中書_臣孫球

謄錄監生_臣吳壽朋

欽定四庫全書

金薤琳琅卷八

明都穆撰

隋柱國左光祿大夫弘義明公皇甫府君碑

銀青光祿大夫行太子左庶子上柱國黎陽縣

開國公子志寧製

夫素秋肅煞勁草標於疾風叔世艱虞忠臣彰於赴難
銜須授命結纓殉國英聲煥乎記牒徽烈著於旂常宣

若豐起蕭牆禍生蕃翰強踰七國勢重三監其有蹈水火而不辭臨鋒刃而莫顧激清風於後葉抗名節於當時者見之弘義明公矣君諱誕字玄憲安定朝那人也昔立効長丘樹績東郡太尉裂壤於槐里司徒胙土於郾門是以車服旌其器能茅社表其勲德銘功衛鼎騰美晉鍾盛族冠於國高華宗邁於欒郤備在史牒可略言焉曾祖重華使持節龍驤將軍梁州刺史潤木暉山方重價於趙璧媚川照闕曜奇采於隨珠祖和雍州贊

治贈使持節散騎常侍車騎大將軍儀同三司膠涇二
州刺史高衢將騁遽友追風之足扶搖始搏早墜垂天
之羽父璠使持節驃騎大將軍開府儀同三司隨州刺
史長樂恭侯橫劔控矜威重冠軍析瑞蕃條聲高勃海
公量包申伯稟嵩山之秀氣材兼蕭相降昂緯之淑精
據德依仁居貞體道含章表質詎待變於朱藍恭孝為
基寧取訓於橋梓鋒刺犀象百練挺於昆吾翼掩駕鴻
九萬奮於溟海搏韜闕闕產文瞻卿雲孝窮溫清之方忠

盡匡救之道同何充之器局被重晉君類荀攸之宏畧
見知魏主斯故已羅衆藝囊括羣英者也起家除周畢
王府長史榮名蕃牧則位重首寮袪服睢陽則譽光上
客既而蒼精委馭炎運啓晷作貳邊服寔資令望授廣
州刺史悅近來遠變輕詔於雕題伐叛懷柔漸淳化於
緩耳蜀王地處維城寄深磐石建旗玉壘作鎮銅梁妙
擇奇材以為僚佐授公益州總管府司法昔梁孝開國
首辟鄒陽燕昭建邦肇徵郭隗故得馳令問於碣館播

芳猷於平臺以古方今彼此一也尋除尚書比部侍郎
轉刑部侍郎趨步紫庭光映朝列折旋丹地譽重周行
俄遷治書侍御史彈違紕憲時絕權豪霜簡直繩俗寢
貪競隨文帝求衣待旦志在恤刑呪網泣辜情存緩獄
授大理少卿公巨細必察同張季之聽理寬猛相濟比
于公之無冤但禮闈務殷樞轄寄重允膺此職寔難其
人授尚書右丞洞明政術深曉治方臧否自分條目咸
理丁母憂去職哀慟里閭隣人爲之罷社悲感衢路行

客以之輟歌考德則師範彞倫精誠則貫徹幽顯雖高
曾之至性何以加焉尋詔奪情復其舊任於時山東之
地俗阜民澆雖預編民未行聲教詔公持節為河北河
南道安撫大使仍賜米五百石絹五百匹公輜軒布政
美冠皇華之篇擁節觀風榮甚繡衣之使事訖反命授
尚書左丞然并州地處參墟城臨晉水作固同於西蜀
設險類於東秦寔山河之要衝信蕃服之襟帶授公并
州總管府司馬加儀同三司公贊務大邦聲名籍甚精

民感化黠吏畏威屬文帝劔璽空留鑾蹕莫反楊諒率
太原之甲擁河朔之兵方叔段之作亂京城同州吁之
挺禍牒上雖無當璧之兆乃懷奪宗之心公備說安危
具陳逆順翻納魏勃之策反被王悍之災仁壽四年九
月溘從運往春秋五十有一萬幾起殲良之歎百辟興
喪予之悲切孔氏之山頽痛楊君之棟折贈柱國左光
祿大夫封弘義郡公食邑五千戶諡曰明公禮也喪事
所須隨由資給賜帛五千段粟三千石惟公溫潤成性

夙表白虹之珍黼黻為文幼

闕五字

行已窮於六本蘊德

包於四科延閣曲臺之奇書鴻都石渠之祕說莫不尋

其枝葉踐其隕隅譬越箭達犀飾之以括羽楚金切玉

加之以磨

缺一字

救乏同於指困親識待其舉火進賢方

於推轂知已俟以彈冠存信捨原黃金賤於然諾忘身

殉難性命輕於鴻毛齊大小於冲襟混寵辱於靈府可

謂

缺四字

冠冕時雄者也方當亮采泰階參綜機

缺一字

豈

謂世逢多故運屬道消未展經邦之謀奄鍾非命之酷

世子民部尚書上柱國滑國公無逸以為邢

缺一字

之下

缺三字

仲之

缺三字

之東誰知子孟之墓乃雕戈勒石騰寶

飛聲樹之康衢永表芳烈庶葛亮之隴鍾生禁之以樵
蘇賈逵之碑魏君歎之以不朽乃作銘曰

缺十二字

膺期穆帝運策經綸執釣匡濟門承積慶世挺偉

人夜光愧寶朝采慙珍雲中比陸日下方荀抑揚元

缺十一

字

名馳碣石聲高建禮珥筆憲臺握蘭文陛分星裂土建

侯開國輔籍正人相資懿德中臺輟務晉陽

缺十七字

相成師

構難太叔興戎建德効節夷吾盡忠命屯道著身歿名隆牛
亭始卜馬鬣初封翠碑刻鳳丹旆圖龍烟

缺

銀青光祿大夫歐陽詢書

右隋柱國左光祿大夫皇甫誕碑于志寧撰歐陽詢正
書金石錄謂嘗得誕墓志又得此碑與北史及隋書
參攷以正史氏之謬又謂碑與墓志所述亦有不同
墓志今不得見碑在陝西西安府學不甚缺壞蓋歐
書中之得意者也

隋龍藏寺碑

竊以空王之道離諸名相大人之法非有去來斯故將
喻師子明自在如無畏取譬金剛信畢竟而不毀是知
涅槃路遠解脫源深隔愛慾之長河間生死之大海無
船求渡既似龜毛無翅願飛還同兔角故以五通八解
名教攸生二帝三乘法門斯起檢簾攝細良資汲引之
風挽滿陷深雅得脩行之致若論乾闥之城皆妄芭蕉
之樹盡空應化詎真權假寧實釋迦文

缺一字

說

缺一字

之

缺一字須菩提豈證果之人然則習因之指安歸求道之

趣奚向如幻如夢誰其受苦如影如響誰其得福是故

維摩詰具諸佛智燈

缺一字

之坐斯來舍利弗盡其神通

天女之花不去故知業行有優劣福報有輕重若至凡

夫之與聖人天堂之與地獄詳其是非得失安可同日

而論哉往者四魔毀聖六師謗法拔髮翹足變闕吞麻

李園之內結其惡黨竹林之下亡其善聚護戒比丘翻

同電草持律

缺一字

等霜蓮慧殿仙宮寂寥安在珠臺銀

閣荒涼無處離離綴彩寧勞周客含含奏曲詎假殷人

我大隋乘御金輪冕旒玉

缺一字

上應天命下順民心飛

行而建鴻名揖讓而升大寶匪結農軒之陣誰狗湯武
之師稱臣妾者遍於十方弗遇蚩尤之亂執玉帛者盡
於萬國無陷防風之禍斯乃天啓至聖大造區域垂衣
化俗負宸宇民昧旦紫宮終朝青殿道高羲燧德盛虞
唐五福咸臻衆眎畢集低葑出月搖蕙含風沉璧觀書
龍負握河之紀功成治定神奉益地之圖於是東暨西

漸南阻北邁隆禮言洽至樂云和感天地而動鬼神辯
尊卑而明貴賤而尚勞已亡倦求衣靡息豈非攸攸黔
首垢障未除擾擾蒼生蓋纏仍擁所以金編寶宇玉牒
綸言滿封盈函雲飛雨散慈愛之旨形於翰墨哀憇之
情發於衿抱日月所照咸賴陶甄陰陽所生皆蒙鞠養
故能津濟率土救護溥天協獎愚迷扶道尊賢聳對茲法
雨使潤道牙燒此戒香令薰佛慧脩第壹之果建最勝
之幢拯既滅之文匡以墜之典忍辱之鎧滿缺二
都微

字

妙之臺充於赤縣豈直道羅什有寄弘通故亦迦葉目

蓮聖僧斯在龍藏寺者其地蓋近於燕南昔伯珪取其

謠言

缺三字

水母恤往而得寶窺代常山世祖南旋至高

邑而踐祚靈王北出登望臺而臨海青山歛霧淶水揚

波路歎晉而適秦途通

缺一字

而指衛

缺一字

之落矩步非

遙平原之樓規行詎遠尋派避世彼亦河人幽閑博敞

良為福地太師上柱國大威公之世子使持節在武衛

將

缺一字

上開府儀同三司恒州諸軍事恒州刺史鄂國

公金城王孝僊世業重於金張器識逾於許郭軍府號

為飛將朝廷稱為虎臣領袖諸

缺一字

冠冕羣俊探賾索

隱應變知機著義尚訓御之勲立勲功事勞之績廊廟

推其偉器柱石抒其大材自馳傳蒞藩建旗

缺二字

招懷

歎逸縶復逃亡遠視廣聽賈琮之按冀部賞善戮惡徐

邈之處涼州異軫齊奔古今一致下車未幾善政斯歸

瞻彼伽藍非因草創每奉勅勸獎州內士庶壹萬人等

共廣福田公爰啓至誠虔心徙石施逾奉蓋檀等布金

竭黑水之銅聲赤岸之玉結瑠璃之寶網飭纓絡之珍
臺於是靈剎霞舒寶坊雲構崢嶸膠葛穹隆謫詭九重
壹柱之殿三休七寶之宮彫梁刻桷之奇圖雲畫蔭之
異白銀成地有類悉覺之談黃金鏤楯非闕句踐之獻
其內閑房靜室陰牖陽窻圓井垂蓮方䟽度日曜明璫
於朱戶殖芳卉於紫墀地映金沙似遊安養之國簷隱
天樹疑入歡喜之園夜漏將竭聽鳴鐘於寺內曉相既
分見承露於雲表

闕二字

坐來會之衆何憂

缺一字

然飲食

持鉢之侶奚念粵以開皇六年歲次鶉火庄嚴粗就庶
使皇隋寶祚與天長而地久種覺花臺將神護而鬼衛
乃為詞曰多羅秘藏毗尼覺道斯文不滅憑於大造誰
薰種智誰壞煩惱猗歟我皇實弘三寶慧燈翻照法炬
還明菩提果殖救護心生香樓並構貝塔俱營充遍世
界彌滿國城憬彼大林當途向街於穆州后仁風遐拂
金粟施僧珠纓奉佛結瑤葦宇構瓊架室鳳穴聚日虹
梁入雲電飛窓戶雷驚棹夢綺籠金鏤縹壁椒薰綈錦

亂色丹素成文髣髴雪宮依稀月殿明室結愧幽堂啓

扇

缺一字

虎未窺跼龍誰見帶風蕭瑟含烟蕊蒨西臨天

井北拒五臺川谷芭異山林育材蘇秦說反樂毅奔來
鄒魯媿俗汝潁慙能惟此大城瓌異所踐踈鍾嚮度層
磐露泣八聖四禪五通七辯戒香恒馥法輪常轉

開皇六年十二月五日題寫

齊開府長兼行參軍九門張公愷之

缺

右隋龍藏寺碑齊張公愷撰而不著書人名氏集古

錄謂寺已廢碑在常山府署之門常山即今之真定
予近以使事過之間府治東二里龍興寺有古銅佛
一軀崇七十二尺閣之覆者崇百有三十尺與太守
同年李君往遊其間見殿前一古碑其趺已沒土中
讀之乃公愷文蓋寺在隋名龍藏歐公謂寺廢與碑
在常山府署蓋未嘗親歷其地故誤書耳

隋左屯衛大將軍左光祿大夫姚恭公墓誌銘

并序

缺四
字

諱辯字思辯武威人也導清源於媯汭肇崇構於

軒丘世

缺二

斯

缺一

五世祖弘為晉所滅子孫播越居

於武威曾祖讚撫軍

缺一

軍將軍武威太守並以碩量

偉才佐時匡國父寶散騎常侍

缺二

山川降神象緯幼

而風韻開爽志節通亮弓殫百步之騎劍

缺

氣馳名

遂以材官入選周保定四年起家宗侍下士天和二年

缺二

虧勝羣帥見囚公頻進奇謀竟弗能用乃以舟師

先濟朝廷

缺二

統營校公撫養士卒勸課農桑莫不家

實倉廩人知禮節

缺二

賞五年從周武帝平定晉州摧

殄高辟十二月進屠并州既

字缺一

公獨為後距轉戰不

衰皇興獲安公之力也頻蒙優賞以累

字缺

六年從定

相州以前後功授大都督封安養縣開國子邑四

缺

檢

校武侯兵事又命公隨上柱國闕拔崇於武陟合戰又

於野馬

字缺

相濟寔繁有徒公建旆遙征攝弓言邁推

鋒接戰充着奇功大象

字缺二

戶開皇元年授上開府儀

同三司進爵為公增邑為一千戶

字缺二

所屆即事戎車

公誠勇奮發義同閭外屢出奇兵頻摧醜虜

字缺二

天府

凡厥賞賜散之士卒二年匈奴復入涼州詔以公為行

軍

缺二字

前後衝擊晝夜攻圍校尉之井既枯將軍之泉

又竭空有思梅之

缺一字

以亡為存策勲命賞理在不次

五年授右武侯驃騎將軍霍去病

缺一字

蔑如也六年授

雲州道水軍總管戈船掩渚巨艦浮川河湟肅

缺一字

匪

曰崇墉碁峙聳堞相望邊柝弗驚控弦遠逝其年授使

持節河

缺一字

化若神明十年檢校疊州總管河州刺史

行疊州刺史事公才略

缺三字

弘政教安民和衆於是乎

在十二年轉授左武候將軍尋為涼州

缺一字

邊烽寢候

義幕旃裘望風欽迹十六年使持節靈州總管諸軍事

缺二字

俗易風移政成朞月十八年授原州道行軍總管

十九年授環州道

缺一字

總管公屢總戎律特精邊事每

秋風起塞胡騎揚塵折衝之狂非公

缺

二年授左武候

大將軍進爵蔡陽郡開國公食邑一千五百戶大啓

缺二字

字

皇丘欽明御籙睿聖纂圖特荷天眷恩遇隆重密勿

禁衛知無不為

缺二字

威等同進位大將軍左武候大將

軍如故三年以母憂去官其年有

缺二字

自天幾於毀滅

僂王事杖而後起四年以官方草創授金紫光祿大

夫

闕光祿大夫如故車駕北巡諸蕃朝朔以舊典糾察

整肅軍容乃令公

缺一字

旌門洞張內外肅然事嚴細柳

吐谷渾大保五期尼樂周等率衆歸附

缺一字

鑾蹕西幸

底定渾國乃以公為鬱卑道將軍旗鼓所振莫不摧殄

俘

缺一字

右光祿大夫左屯衛大將軍如故乃獻凱廟庭

禮崇備物六軍之長

闕

車駕南巡江都以公京師留守

職居爪牙任惟心膂出處崇重朝野榮之大業七年三

月遘疾十九日薨於京兆郡春秋六十有六惟公體量

宏達

缺

興義造次弗違虛已推賢始終同致加以雄圖

恢廓竒略弘遠氣有餘勇莫之與抗善於御撫得士卒

之心長於政術致廉平之美自入統禁旅出

缺二字

所夙

夜匪懈簡在帝心至於敬友穆親輕財貴義家稟誠孝

奉以周旋訓不與善遽此歸全知與不知莫不流涕粵

以其年十月癸丑朔二十一日

缺一字

有詔故左屯衛大

將軍右光祿大夫姚思辯性理和謹秉心恭慎歷任

缺

式表哀榮可贈左光祿大夫又蒙賜物八百段粟麥一

千石謚曰恭公

祀

缺

長瀾若水遠馥薰風時賢繼及世德斯隆勤王成

務啟羈垂功炳靈不已

缺

冥照落鴈窮能通援盡妙躡

張選勇期門待詔職分七萃官聯五營

缺

陪衛出擁高

旌汜水兵畧常山陣勢卓犖明謀沉深節制功有必取

算無遺計

缺

恩寵顯赫身名執恭履順守滿持盈方陪

紀岳遽掩佳城遊魂不歸逝川 缺春秋述代徽猷永遠

右隋左屯衛大將軍姚辯墓誌銘虞世基撰歐陽詢
正書志稱辯精於邊事屢立大功蓋老將也其官至
大將軍而死諡恭公爵亦尊矣而隋史不為立傳向
非率更之書後世不復知有辯此古人墟墓之文所
以必托之名筆豈無意邪

隋江夏縣緣果道場塼塔下舍利記

夫至理空冲尋求之源悠緬法身寂寞無方之應奄臻

至如花疊未燃駐影留髮香薪已燎散體分形故有寶
塔珍龕崔嵬四園之上雲興地踊照曜八國之中俾我
聖迹未之湮墜緣果道場者梁天監十二年太歲癸巳
長史劉端捨宅為寺有命過僧歸闍梨盡心建造闍梨
降自江

缺一字

氏族未詳戒慧總持甚有靈驗於是鴻基

勝趾締構日新三業薰脩七財具足以今大隋大業九
年昭暘之歲江夏縣緣果鄉長劉大懿等遵依勅旨共

三鄉仕民奉

缺一字

齊與道場七層塼塔一所安鎮此地

次有清信弟子黃慧龔慧俊慧達等兄弟並德

缺一字

佳

雅難兄難弟誓立五根願弘四事於所住宅福瑞累彰
亡父於大業三年二月乃於食內感舍利一枚大小相
懼觀茲希有安止水器且浸且浮旋遠久之光明遍室
頂戴虔禮日申供養到七年正月俊女雞娘又感二枚
斯實迹現難思抑聞圖籍次有弟子李藥王信首宿馳
賢才簡足雖室無瑞井手闕金錢每用放濟居心傾捨
為業以開皇廿年行至常州境感舍利一枚到大業五

年於所住宅又感二枚昔者阿難捧函如來讚其希有
康會瓶寫吳主嗟其神異詢諸經誥今古同符以今季
夏六月八日奉送散身永寔基下衆緣贊助普設大齋
方俟七級巍峩接霄房而颺采九盤煜曜寶鐸韻而流
聲上資帝朝爰洎遐邇設使芬盡方城五分之身常住
石銷天袂金剛之地嶷然敢忘議善乃為銘曰

茫茫宇宙悠悠世間九地銜海四

缺二字

山三途有獄五道無關

魂隨動泊識

缺一字

循環至聖何像嶷爾愔怕示現無方

迦維垂迹等救燒燃通悲幽溺息衆權城椎輪火宅八十化盡天人喪師撫膺雨淚香水

缺一字

毗四王典護八

國均持機緣靡隔靈祥俟時坊墳式建層表臨空非因鬼力詎假神工金盤仰露寶鐸搖風山移川徙徽業興隆

右隋江夏縣緣果道場磚塔記無書撰人氏名記中載舍利瑞應之事不一此非吾之所知但隋碑之傳世者絕少以予嗜好之薦集錄之勤三十年間所得

隋碑惟皇甫府君龍藏寺姚辯墓志及此而已

金瓶梅
卷八

欽定四庫全書

金薤琳琅卷九

明 都穆 撰

唐故洛州洛陽縣令鄭府君碑

觀夫道周通變青史徽其德庸業濟彝倫丹圖叙其景
象所以昭晉長世歲蕤大流而樹聲之

缺一字

爰存相質

之端蓋闕使夫觀巨仲之行者勵思齊之高懷隨會之
功者識興歸之壑著為不朽文在茲乎公諱敞字仲高

滎陽開封王澧鎬為都號鄒獻邑作邦作對策罔謀朝
之謂才乃公乃侯服冕乘軒之謂貴門高階峻慶積祚
流太尉卑躬置屏風而入坐尚書納諫曳革履而昇朝
思元之憂罔恤王平卿之刺邪矯枉百世之盛莫之與
京高祖先護後魏雍州刺史尚書右僕射驃騎大將軍
儀同三司襄城公行高言象之表道合運期之數曾祖
偉後魏龍驤將軍北徐州刺史中軍將軍侍中滎陽守
襄城公祖大仕隨上開府儀同三司驃騎將軍渠州刺

史襄城公並文藝武節光園贊時方龍舟於巨川得騏
驥於大路父仁基隨通事舍至研深機以開務邁弘操
以範俗公降巖廟之宏器蹈珠玉之朗節化其羽翼既
收四見之奇伐其條枚匪辭一覲之速貞觀七季制策
高第擢越州都督府參軍事探其洞穴史惠識微禹之
功步彼高衢而子得遺風之乘入除左領軍衛兵曹又
遷潞州司功參軍事六軍七校戎政孔殷十命三牒缺府
邑之靈氣流榮波之純液直躬色清嚴凜乎秋霜抱

質懷文英穎彬於夏采挹損以弘已寵辱若驚靖恭以
臨至敬慎如祭文宗望推重召為通事舍生留疾不拜
轉瀛州靖苑令公以為立長以為官也非立官以為長
也於是明察以斷忠信以寬奸利息機則俗化醇厚浮
末不鬻則至用豐殷岳以立身清逾十仞言必顧義寶
過盈尺故至有神明之敬有父母之親欣詠終朝石
碑在頌又為岐州雍縣令政如清苑亦有德碑又除益
州新繁令加朝散大夫入為司裡員外郎增秩小黃歸

大夫之顯祿拔奇禮學綜郎官之明祀轉駕部郎中校檢
洛陽令俾入都至掌儀輦政京大師衆禁踈網濶情有
萬源道難一貫公綜理殷劇馭煩以簡高義侔於昇雲
明道著於夏曰旌發伏隱察銖兩之奸導揚滯美盡銜
筴之利化其善教戎至楚言懷其令聲蟹匡蠹績加以
勵精聽斷之術側席俊秀之才稜威於七貴五侯減私
於四隱六戚令至除雪既察孝廉行馬療寒即收門士
權豪由其斂手鷄犬所以罕音王渙已來政風曠絕稱

職之美復存於公朝以為能去除洛陽縣令無何丁太
夫至憂服勤過禮執喪惟病因極之心應於木石天降
大感光覆不追春秋六十九儀鳳三垂十一月十七日
終於萬乘縣之來庭里第嗚呼哀哉粵以大周久視元
年龍集庚子六月戊寅朔七日甲申遷窆於洛陽北邙
山之平樂原禮也惟公履仁居德韞風懷雅宏達不器
包容無方牆隩之深則幽室十扉洞房百牖言行之重
則商湯之駟夏后之璜故能參神明以長至順日月以

曜物剛直以斷金之精也溫潤以潔玉之符也方弼承帝
則運平而機致君唐虞之上書美荆越之竹豈徒校才
班伯願試定襄之煩比義野王求領長安之劇而信順
缺

而逾毀陽烏假道過

峻岐而不息崩瑤慕於霜露歸精靈於

缺一字

辰昔鄭相

云亡捨玦悲於東里羊公既歿罷市慟於南州瞻古揆
今不之遠也飾終以薄遺令在言時服編書與揪衣而
共下含珠連玉同瓦器而不藏長子朝議大夫行果州

司功參軍諱第二子越州都督府士曹參軍諱第三子
符寶郎諱第四子太子典設郎諱第五子宋州司功參
軍訢等罄節勵行彥士高其式模積學儲寶詞王貴其
淵洽州閭化其邕穆神明通其孝悌思所以揚德來裔
垂文永垂託之不刊以申內極我聞有命敢作銘云

遷周從號為公作伯漢台晉袞邦基政本繼期生悲時
惟我君猶彼靈鳳翰飛紫氛行高德廣如山如雲曾不
助順慙留斯文北山伐石西邨負土撤殯毀宗遷車奠

祖羣子克孝墳塋終古蓼莪長號誰謂荼苦

大周久視元乘六月七日建鳳閣舍在河東薛稷為文并自書丹

右唐洛陽令鄭敞碑薛稷撰并正書碑稱敞上世皆為顯官而敞之為令綽有政績惜乎唐史無傳稷撰此碑在武氏久視元年故碑中之字如地作塋天作而人作至臣作惠國作圀授作覲正作岳日作年作乖之類皆武氏所製故當時臣下用之非天子不

考文此亦可見武氏僭竊之罪

唐杳冥君銘

悠悠洛邑眇眇伊壘屢移寒暑頻經歲年丹壑幾變陵

谷俄遷不覩碑碣空悼風煙

其

時代攸徙寧窮姓氏匪

辯

缺二
字

誰分朱紫翠墳全缺玄扃亦毀久歇火風爰歸

壘水

其二

靈跡難訪莫知其狀彷彿窈臺依俚泉帳草積

丘壠松高巖嶂乃眷幽途彌增悲愴

其三

於彼兆域是生

荆棘松劍猶存榆錢可識覽物流

缺三
字

太息欲致禮於

營魂聊寄言於翰墨

大唐神功元年丁酉歲十月一日鳳閣舍人河東薛稷為文并書丹

右唐杳冥君銘鳳閣舍人薛稷撰并正書此銘集古錄不載歐陽公蓋未之見趙氏金石錄雖列其目而云無書撰人姓名則亦不知其為稷也

銘文但云悠悠洛邑眇眇伊壩又云靈跡難訪莫知其狀則稷未嘗真知墓地蓋汎然而銘之耳後讀陳

子昂集見其冥寞君墳記云皇帝因登緱山望少室
尋古靈迹得王子晉之遺墟在永水之層曲欲開石
室營壽宮庀徒方興得古藏焉內有甕瓦長二丈二
尺濶八尺中有古劔一銅椀一瓦器二又有古五銖
錢朱漆片及根撥之應手灰滅即具物備容還定舊
壙哀其銘志磨滅姓位不顯乃錫之名曰冥寞君云
觀子昂文則墳嘗發於武氏拚而錫之以名亦武氏
也夫以殘酷不仁之人而能為此此固死者之幸但

稷曰杳冥此曰冥冥蓋杳冥冥無二義也

唐尚書省郎官石記序

朝散大夫行右司員外郎陳九言撰吳郡張旭書

闕

上天垂象北極著於文昌先王建邦南宮列為會府

六官既辯四方是則大總其綱小持其要禮樂刑政於是乎達而王道備矣聖上至德光被睿謀廣運提大象以祐生人躬無為以風天下三台淳曜百辟承寧動必有成舉無遺策年和俗厚千載一時而猶搜擇茂異網

羅俊逸野罄蘭芳林殫松秀盡在於周行矣夫尚書郎
廿四司凡六十一人上應星緯中比神仙咸擅國華以
成臺妙修詞制天一之議伏奏為朝廷之容信杞梓之
藪澤衣冠之領袖頃朝榮初拜或省美中遷昇降年名
各書廳壁訛誤多矣總載闕如非所以傳故實示不朽
者矣今諸公六聯同事三署並時排金門鞞華轂鸞蹕
鳳跗肩隨武接而不因僉謀補其闕典其於義也無乃太
簡乎左司郎中楊公慎餘於是合清論創新規徵追琢

之良工伐荆藍之美石刊刻為記建於都省之南榮斷
自開元廿九年咸列名於次且往者不可及來者不可
遺非貴自我蓋取隨時班位以序昭其度也豐約從宜
昭其儉也俾夫金石長固英華靡絕不編班固之年自
然成表未讀馬卿之賦已辯同時不其偉歟

開元廿九年歲次辛巳十月戊寅朔二日巳卯建
右唐尚書省郎官石記序右司員外郎陳九言譔張
長史正書歐陽公謂長史以草書知名此字真楷可

愛曾南豐謂其精勁嚴重出於自然如動容周旋中
禮非強為者元王文定公謂張公得草聖不傳之妙
其真書在唐乃復精絕顏魯公書學氣倖造化楷法
蓋得之於公又謂其字體似出歐虞自成一家宋龔
明之中吳紀聞云長史蘇人承平時碑在蘇學中堂
之後已漸剝兵火後不復存矣元商德符云石刻
舊在京兆今亡觀明之及商氏之說則此刻在宋元
固已艱得予家所藏本未知其出於蘇學或出京兆

皆不可知但歷年久遠而紙墨完好誠希世物也

金薤琳琅卷九

欽定四庫全書

金薤琳琅卷十

明 都穆 撰

唐故右武衛將軍贈工部尚書上柱國上蔡縣開
國侯臧公神道碑銘 并序

金紫光祿大夫行撫州刺史上柱國魯郡開國
公顏真卿撰并書

翰林待詔光祿卿李秀巖篆額

公諱懷恪字貞節東莞人其先出于魯孝公之子驅字子臧大夫不得祖諸侯其孫以王父字為氏僖哀二伯既納忠於魚鼎文武兩仲亦不朽於言哲丈人成功而遁迹子原抗節而捨生義和辭金飾之器榮緒奮陽秋之筆賢達繼軌紛綸至今曾祖滿隋驃騎將軍祖君寵皇通議大夫靈州督府長史父善德朝散大夫贈銀州刺史咸務遠圖克開厥後恤胤之慶世祀宜哉公即銀州之第三子也身長六尺一寸眉目雄朗鬚髯灑秀雅

善騎射九尺牘沉靜少言寬仁得衆竒謀冲邈英勇
冠倫友于弟兄謹爾鄉黨每敦詩而執禮不如柔以吐
剛莅事而剖判泉流臨戎而智略鋒起古所謂文武不
墜高明有融者焉少以勲勞亟紆戎紱開元初嘗遊平
盧屬奚室韋大下公挺身與戰所向摧靡繇是發名立
宗聞而嘉之拜勝州都督府長史銳精佐理絜矩當官
朔漠不空邊隅用人俄拜左衛率府左郎將轉右領軍
中郎將兼安北都護中受降城使朔方五城都知兵馬

使戎事齊足十萬維羣我伐用張軍威以肅由是深為
節度使王曖所器奏充都知兵馬使嘗以百五十騎遇
突厥斬啜八部落十萬餘衆於狼頭山殺其數百人引
身據高環馬禦外虜矢如雨公徒且殲遽而紿之曰我
為臧懷恪勅令和汝何得與我拒戰于時僕固懷恩父
設之適在其中獨遮護之諸部落持疑不肯公剖羊以
盟之仗義以責之衆皆感激由此獲免遂與設之部落
二千帳來歸後充河西軍前將盤永安氏有馬千匹怙

富不度一族三人立皆毆斃軍州悚懷疇敢不祇極為
節度相國蕭嵩所賞後充河源軍使兼隴右節度副大
使關西兵馬使拜右武衛將軍吐蕃不敢東向者累年
俄封上蔡縣開國侯開元十二年歲次甲子春二月二
十有六日薨于鄴城之官舍享年五十六其年八月二
十三日詔曰故具官某頃以幹能亟承任使操行逾謹
勞効未酬不幸遷殂良增追悼可贈右領軍衛大將軍
即以其年冬十月庚戌遷窆于京兆府三原縣北原禮

也嗚呼公兄左羽林軍大將軍平盧副持節懷亮以方
虎之材膺爪牙之任孔懷斯切致美則深七子游擊將
軍崇仁府折衝希崇豐州別駕贈宋州刺史希祖左武
衛將軍朔方節度副使贈太子賓客希忱右衛左郎將
劍南討擊副使贈汝州刺史希惜右驍衛郎將靜邊軍
使贈祕書監希景寧州刺史左金吾衛將軍贈揚州大
都督希晏開府儀同三司行太子詹事兼御史大夫邠
寧山南觀察使集賢待制工部尚書渭北節度使魯國

公希讓等夙漸詩禮恭承教義芬潤挺蘭玉之姿英威
轡號閭之質而希讓識度弘遠器謀沉邃仁親以孝殿
國以忠綽裕冠於人倫勲勞懋於王室至德中今上為
元帥東伐肇允押牙從收兩京陟降左右入侍帷幄既
崇翼戴之功出擁麾幢載叶澄清之寄加以篤睦羣從
紉綏宗族吉凶瞻恤終始無渝行道之人孰不嗟尚肅
宗以公有謀翼之勤乾元三年春三月贈魏州刺史寶
應元年冬十月又贈太常卿廣德元年冬十月詔曰孝

以立身可揚名於後代忠能事主故追榮而及親開府
儀同三司兼御史大夫元帥都虞候魯國公臧希讓亡
父贈太常卿懷恪業茂勲賢地華簪紱佩忠信而行已
包禮樂以資身守節安卑幽貞自處養蒙全正聲利不
營雖與善無徵促靈悲於逝畧而積善垂祐餘慶光於
後昆故得業濟艱難功參締造焉出有藩條之寄入多
爪牙之任位以德遷禮宜加等父由子貴贈合超倫宜
登八座之榮式慰九原之路又贈工部尚書褒異之典

於斯為盛臧氏自驃驍而下世以材雄朔陞尚書既還
特以功懋當代兄弟子姪勲賢間出自天寶距開元乘
朱輪而拖珪組數百人迨于今茲繁衍彌熾綰軍州而
握兵要者相望國都有後之慶固殊異於他族者矣真
卿早歲與公兄子謙為田蕪之游敦伯仲之契晚從大
夫之後每接嘗寮之歡故公之世家竊備見聞敢述遺
烈將無媿辭銘曰

魯史褒者臧孫有之陳魚則諫納鼎以規歿貴言立時

稱聖為仁昭典墳智叶著龜世濟忠肅

缺字

光羽儀以至

夫公英明雄毅鶚視騰彩龍驤作氣鋒淬霜陵妙窮金
匱謀猷泉寫翰墨風駛儒勇是兼勲庸以位介馳戎馬
猛奮號虎絕漠援孤連兵戰苦萬虜鳴鏑紛紛如雨一
身抗詞諤諤連柱精貫霜日氣雄鉦鼓狄人義激僕固
誠全眇漫窮裔隨降幾千野靜沙雪風恬寒煙我騎如
雲我旗連天牧無南向凱有北全天子休之命侯開國
謂福而壽康衢騁力奚命之遭幽局是即十城玉折萬

里鵬息陣雲蒼蒼日暮無色令人趨奉天眷孔明九原
不作八座哀榮勇列徽範芳時懿名里成冠蓋族茂簪
纓萬古千祀瞻言涕零

右唐臧尚書墓碑顏魯公撰并正書尚書墓在陝西
之三原縣顏公此刺人間少傳予向以使事道陝得
之尚書七子希崇希旭希忱希悋希景希晏希讓皆
為顯官而希讓至魯國公顏公文集復有臧氏糾宗
碑書七子官爵與此不同

唐茅山玄靜先生廣陵李君碑銘 并序

金紫光祿大夫行湖州刺史上柱國魯郡開國

公顏真卿撰并書

先生姓李氏諱含光廣陵江都人本姓弘以孝敬皇帝
廟諱改焉二十一代祖宏江夏太守避王莽徙居晉陵
遂為郡人高祖文嶷陳桂陽王國侍郎曾祖榮皇朝雷
州司馬祖師龕隱居以求其志徙于江都父孝感博學
好古雅脩彭聃之道與天台司馬練師子微為方外之

交尤以篤慎著于州里考行議謚曰正隱先生母琅
邪王氏賢明有德行先生孩提則有殊異晬日獨取孝
經如捧讀焉羈州好靜處誦習墳典年十八志求道妙
遂師事同邑李先生遊藝數年神龍初以清行度為道
士居龍興觀尤精老莊周易之深趣執喪過哀口不嘗
甘旨之味食惟穢麥而已封植膳羞皆經其手號毀骨
立親族莫不傷之開元十七年從司馬鍊師於王屋山
傳授大法靈文金記一覽無遺綜核古今談明奧旨玄

宗知先生偏得予微之道乃詔先生居王屋山陽臺觀以繼之歲餘請居茅山纂脩經法頻徵皆謝病不出天寶四載冬乃命中官齋璽書徵之既至延入禁中每欲諮稟必先齋沐他日請傳道法先生辭以足疾不任科儀者數焉玄宗知不可而止先生嘗以茅山靈跡剪焉將墜真經秘錄亦多散落請歸脩葺乃特詔於楊許舊居紫陽以宅之仍賜絹二百疋法衣兩副香爐一具御製詩及序以餞之又禁於山側採捕漁獵食葷血者不

得輒入公私祈禱咸絕牲牢先生以六載秋到山是歲
詔書三至渥澤頻繁輝映崖谷初山中有上清真人許
長史楊君陶隱居自寫經法歷代傳寶時遭喪亂散逸
無遺先生奉詔搜求悉備其跡而進上之先時玄宗將
求大法請先生為師先生竟執謙冲辭疾而退闕七載
春玄宗又欲受三洞真經以其年春之三月中官齋璽
書云其月十八日尅授經誥是日於大同殿潔脩其事
遂遙請先生為玄師并賜衣一襲以申師資之禮因以

玄靖為先生之嘉號焉仍詔刻石於華陽洞宮以志之
是歲夏五月隱居先生合丹之所有芝草八十一莖散
生於松石之間詔俾先生於中官啟告靈仙緘封表進
夏又詔以紫陽觀側近二百戶太平崇元兩觀各一百
戶並蠲其官徭以供香火秋七月又徵先生既至請居
道觀以養疾九載春辭歸舊山其年夏六月前生靈芝
之所又產三百餘莖煌煌秀異人所莫覩先生又圖而
奏之是歲冬又徵先生於紫庭別院館之十載秋先生

又懇詞告老御製序詩以餞之十有一載先生奉詔與
門人韋景昭等於紫陽之東鬱岡山別建齋院立心誠
肅是夜仙壇林間遍生甘露因以上聞特詔嘉異初隱
居先生以三洞真法傳昇玄先生昇玄付體玄先生體
玄付正一先生正一付先生自先生距於隱居凡五葉
矣皆總習妙門大正真法所以茅山為天下道學之所
宗矣於戲是非可齊也物我均焉生死可忘也覺夢同
焉如此者何域心於變化之際哉先生以大歷己酉歲

冬十一月十有四日遜化於茅山紫陽之別院春秋八十有七其年十二月八日門人赴喪而至者凡數千人號奉冠舄遷窆于雷平山之西陲遺命以松棺竹杖木几水瓶香奩香爐置於藏內門弟子等仰奉嘉猷克遵儉德先生識思真淳業行高古道窮情性之本學冠天人之際所以優游句曲鬱為王者之師出入明庭特寵肩輿之貴是知順風而問昔稱於黃帝望山而請今見於玄宗矣又博覽羣言長於著撰嘗以本草之書精明

藥物事關性命難用因循著音義兩卷又以老莊周易
為潔淨之書著學記義略各三篇內學記二篇以續仙
家之遺事皆名實無違詞旨該博初先生幼年頗工篆
籀而隸書尤妙客或賞之云賢於其父因投筆不書玄
宗詔山人王旼強請先生楷書上經一十三紙以補楊
許之闕先生能於陰陽數術之道而不以藝業為能極
於轉練服食之事而不以壽養為極但冥懷素朴妙味
玄津非夫博大之至人孰能盡於此真卿乾元二年以

昇州刺史充浙江西節度欽承至德結慕玄微遂專使
致書於茅山以抒誠懇先生特令韋鍊師景昭復書於
真卿恩眷綢繆足勵超然之志然宗師可仰望紫府而
非遙王事不遑寄白雲而攸遠洎大歷六年真卿罷刺
臨川旋舟建鄴將宅心小嶺長庇高蹤而轉刺吳興事
乖夙願徘徊郡邑空懷導道之心瞻望林巒永負借山
之記而景昭洎郭闕等以先生茂烈芳猷願銘金石乃
邀道士劉明素求託斯文真卿與先生門人中林子殷

淑遺名子韋渠年嘗接采真之遊緒聞含一之德敢強
名於巷黨曷足辯於鴻蒙其詞曰

抱一混茫人之紀綱先生以之氣王神強乃啟玄旨玄
門以彰乃為帝師帝道惟康甘露呈瑞靈芝効祥上士
云感高風再揚鶴返仙廟雲辭帝鄉退歸而老妙識行
藏德本無累道心有常寔曰形解孰云坐忘伐石表墓
勒銘傳芳谷變陵遷厥跡彌光

大歷十二年夏五月建渤海吳崇休鐫

右唐玄靖李先生碑顏魯公撰并正書碑稱隱居先生以三洞真法傳升玄先生升玄付體玄先生體玄付正一先生正一付先生自先生距隱居凡五葉矣今考之隱居先生者梁陶弘景升玄為王遠知體玄為潘師正正一為司馬子微三人唐書有傳惟玄靖無之予嘗遊茅山至玉晨觀其前有雷平池池南為伏龍岡玄靖墓其上碑今在觀中四周皆刻文字道士以亭覆之

金瓶梅詞話卷十

欽定四庫全書

金薤琳琅卷十一

明 都穆 撰

唐西京千福寺多寶佛塔感應碑

南陽岑勛撰朝議郎判尚書武部員外郎琅邪
顏真卿書朝散大夫檢校尚書都官郎中東海
徐浩題額

粵妙法蓮華諸佛之祕藏也多寶佛塔證經之踴現也

發明資乎十力弘建在於四依有禪師法號楚金姓程
廣平人也祖父並信著釋門慶歸法胤母高氏久而無
妊夜夢諸佛覺而有娠是生龍象之徵無取熊羆之兆
誕彌厥月炳然殊相岐嶷絕於羣茹髫髻不為童遊道
樹萌芽聳豫章之楨幹禪池畎澮涵巨海之波濤年甫
七歲居然厭俗自誓出家禮藏探經法華在手宿命潛
悟如識金環總持不遺若注瓶水九歲落髮住西京龍
興寺從僧錄也進具之年昇座講法頓收珍藏異窮子

之疾走直詣寶山無化城而可息爾後因靜夜持誦至
多寶塔品身心泊然如入禪定忽見寶塔宛在目前釋
迦分身遍滿空界行勤聖現業淨感深悲生悟中淚下
如雨遂布衣一食不出戶庭期滿六年誓建茲塔既而
許王瓘及居士趙崇信女普意善來稽首咸捨珍財禪
師以為輯莊嚴之因資奩塏之地利見千福默議於心
時千福有懷忍禪師忽於中夜見有一水發源龍興流
注千福清澄泛灑中有方舟又見寶塔自空而下久之

乃滅即今建塔處也寺內淨人名法相先於其地復見
燈光遠望則明近尋即滅竊以水流開於法性舟泛表
於慈航塔現兆於有成燈明示於無盡非至德精感其
孰能與於此及禪師建言雜然歡愜負畚荷插于橐于
囊登登憑憑是板是築灑以香水隱以金鍤我能竭誠
工乃用壯禪師每夜於築階所懇志誦經勵精行道衆
聞天樂咸嗅異香喜歎之音聖凡相半至天寶元載創
構材木肇安相輪禪師理會佛心感通帝夢七月十三

日勅內侍趙思偁求諸寶坊驗以所夢入寺見塔禮問
禪師聖夢有孚法名惟肖其日賜錢五十萬絹千匹助
建脩也則知精一之行雖先天而不違純如之心當後
佛之授記昔漢明永平之日大化初流我皇天寶之年
寶塔斯建同符千古昭有烈光於時道俗景附檀施山
積庀徒度財功百其倍矣至二載勅中使楊順景宣旨
令禪師於花萼樓下迎多寶塔額遂總僧事備法儀宸
睞俯臨額書下降又賜絹千疋聖札飛毫動雲龍之氣

象天文挂塔駐日月之光輝至四載塔事將就表請慶
齋歸功帝力時僧道四部會逾萬人有五色雲團輔塔
頂衆盡瞻覩莫不崩悅大哉觀佛之光利用賓于法王
禪師謂同學曰鵬運滄溟非雲羅之可頓心遊寂滅豈
愛網之能加精進法門菩薩以自強不息本期同行復
遂宿心鑿井見泥去水不遠鑽木未熟得火何階凡我
七僧聿懷一志晝夜塔下誦持法華香煙不斷經聲遞
續炯以為常沒身不替自三載每春秋二時集同行大

德四十九人行法華三昧尋奉恩旨許為恒式前後道
場所感舍利凡三千七十粒至六載欲葬舍利預嚴道
場又降一百八粒畫普賢變於筆鋒上聯得一十九粒
莫不圓體自動浮光瑩然禪師無我觀身了空求法先
刺血寫法華經一部菩薩戒一卷觀普賢行經一卷乃
取舍利三千粒盛以石函兼造自身石影跪而戴之同
置塔下表至敬也使夫舟遷夜壑無變度門劫筭墨塵
永垂貞範又奉為主上及蒼生寫妙法蓮華經一千部

金字三十六部用鎮寶塔又寫一千部散施受持靈應
既多具如本傳其載勅內侍吳懷寶賜金銅香爐高一
丈五尺奉表陳謝手詔批云師弘濟之願感達人天莊
嚴之心義成因果則法施財施信所宜先也主上握至
道之靈符受如來之法印非禪師大慧超悟無以感於
宸衷非主上至聖文明無以鑒於誠願俾彼寶塔為章
梵宮經始之功真僧是葺克成之業聖主斯崇爾其為
狀也則岳聳蓮披雲垂蓋偃下欵崛以踴地上亭盈而

媚空中曖曖其靜深旁赫赫以弘敞礪礪承陞琅玕綵
檻玉瑱居楹銀黃拂戶重簷疊於畫棋反宇環其壁璫
坤靈鼎鬲以負砌天祗儼雅而翊戶或復肩胛鷖鳥肘
擲脩虵冠盤巨龍帽抱猛獸勃如戰色有奭其容窮繪
事之筆精選朝英之偁贊若乃開扁鐻窺奧秘二尊分
座凝對鷺山千帙發題若觀龍藏金碧晃晃環珮歲粦
至於列三乘分八部聖徒翕習佛事森羅方寸千名盈
尺萬象大身現小廣座能卑須彌之容歛入芥子寶蓋

之狀頓覆三千昔衡岳思大禪師以法華三昧傳悟天台智者爾來寂寥罕契真要法不可以久廢生我禪師克嗣其業繼明二祖相望百年夫其法華之教也開玄關於一念照圓鏡於十方指陰界為妙門駟塵勞為法侶聚沙能成佛道合掌已入聖流三乘教門總而歸一八萬法藏我為最雄譬猶滿月麗天螢光列宿山王映海蟻垤羣峯嗟乎三界之沉寐久矣佛以法華為木鐸惟我禪師超然深悟其貌也岳瀆之秀冰雪之姿果屑

貝齒蓮日月面望之厲即之溫覩相未言而降伏之心
已過半矣同行禪師抱玉飛錫襲衡台之祕躅傳止觀
之精義或名高帝選或行密衆師共弘開示之宗盡契
圓常之理門人苾芻如巖靈悟淨真空法濟等以定
慧為文質以戒忍為剛柔含朴玉之光輝等旃檀之圍
繞夫發行者因因圓則福廣起因者相相遣則慧深求
無為於有為通解脫於文字舉事徵理含毫強名偈曰
佛有妙法比象蓮華圓頓深入真淨無瑕慧通法界福

利恒沙直至寶所俱乘大車

其一

於戲上士發行正勤緬

想寶塔思弘勝因圓階已就層覆初陳乃昭帝夢福應

天人

其二

輪奐斯宗為章淨域真僧草創聖主增飾中座

耿耿飛簷翼翼荐臻靈感歸我帝力

其三

念彼後學心滯

迷封昏衢未曉中道難逢常驚夜杙還懼真龍不有禪

伯誰明大宗

其四

大海吞流崇山納壤教門稱頓慈力能

廣功起聚沙德成合掌開佛知見法為無上

其五

情塵雖

雜性海無漏定養聖胎染生迷轂斷常起縛空色同謬

落葡萄現前餘香何嗅

其六

彤彤法宇繫我四依事談理暢

玉粹金輝慧鏡無垢慈燈照微空王可託本願同歸

其七

天寶十一載歲次壬辰四月乙丑朔廿二日戊戌建
勅檢校塔使正議大夫行內侍趙思偁判官內府丞
車沖檢校僧義方河南史華刺

右千福寺多寶塔碑唐岑勛撰顏真卿正書顏公之
書多矣惟此碑盛傳人間歐陽公作集古錄跋尾而
此獨見遺惟趙氏金石錄有之謂多寶塔者僧楚金

所造楚金嘗寫法華經千餘部寘塔中趙氏復謂於士大夫家數見之則楚金之書至宋猶有存者碑今在陝西西安府學

唐顏魯公與郭僕射書

十一月缺一字日金紫光祿大夫檢校刑部尚書上柱國

魯郡開國公顏真卿謹奉書于右僕射定襄郡王郭公閣下蓋太上有立德其次有立功是之謂不朽抑又聞之端揆者百寮之師長諸侯王者人臣之極地今僕射

挺不朽之功業當人臣之極地豈不以才為世出功冠
一時挫思明跋扈之師抗迴紇無厭之請故得身盡凌
烟之閣名藏太室之廷吁足畏也然美則美矣而終之
始難故曰滿而不溢所以長守富也高而不危所以長
守貴也可不警懼乎書曰爾惟弗矜天下莫與汝爭功
爾惟不伐天下莫與汝爭能以齊桓公之盛業片言勸
王則九合諸侯一匡天下葵丘之會微有振矜而叛者
九國故曰行百里者半九十言晚節末路之難也從

古至今臬我高祖太宗已來未有行此而不理廢此而不亂者也前者菩提寺行香僕射指麾宰相與兩省臺省已下常參官並為一行坐魚開府及僕射率諸軍將為一行坐若一時從權猶未可何況積習更行之乎一昨以郭令公父子之軍破犬羊兇逆之衆衆情欣喜恨不頂而戴之是用有興道之會僕射又不悟前失徑率意而指麾不顧班秩之高下不論文武之左右苟以取悅軍容為心曾不顧百寮之側目亦何異清晝攫金之

士哉甚非謂也君子愛人以禮不聞姑息僕射得不深
念之乎真卿竊聞軍容之為人清脩梵行深入佛海况
乎收東京有殄賊之業守陝城有戴天之功朝野之人
所共貴仰豈獨有分於僕射哉加以利衰塗割恬然於
心固不以一毀加怒一敬加喜尚何半席之座咫尺之
地汨其志哉且鄉里上齒宗廟上爵朝廷上位皆有等
威以明長幼故得彛倫叙而天下和平也且上自宰相
御史大夫兩省五品以上供奉官自為一行十二衛大

將軍次之三師三公令僕少師保傅尚書左右丞侍郎
自為一行九卿三監對之從古以然未嘗舛錯至如節
度軍將各有本班卿監有卿監之班將軍有將軍之位
縱是開府特進並是勲官用蔭即有高卑會讌合依倫
叙豈可裂冠毀冕反易彝倫貴者為卑所凌尊者為賤
所屈一至於此振古未聞如魚軍容階雖開府官即監
門將軍朝廷列位自有次叙但以功績既高恩澤莫二
出入王命衆人不敢為比不可令居本位須別示有尊

崇只可於宰相師保座南橫安一位如御史臺衆尊知
雜事御史別置一榻使百寮共得瞻仰不亦可乎聖皇
時開府高力士承恩宣傳亦只如此橫座亦不聞別有
禮數亦何必令他失位如李輔國倚承恩澤徑居左右
僕射及三公之上令天下疑怪乎古人云益者三友損
者三友願僕射與軍容為直諒之友不願僕射為軍容
佞柔之友又一昨裴僕射誤欲令左右丞勾當尚書當
時輒有訓對僕射恃貴張目見尤介衆之中不欲顯過

今者興道之會還爾遂非再獨八座尚書欲令便向下
座州縣軍城之禮亦恐未然朝廷公讌之宜不應若此
令既若此僕射意只應以為尚書之與僕射若州佐之
與縣令乎若以尚書同於縣令則僕射見尚書令得如
上佐事刺史乎並不然矣今既三廳齊列足明不同刺
史且尚書令與僕射同是二品只校上下之階六曹尚
書並正三品又非隔品致敬之類尚書之事僕射禮數
未敢有失僕射之顧尚書何乃欲同卑吏又據宋書百

官志八座同是第三品隋及國家始別升作二品高自

標致誠則尊崇向下擠排

缺二字

傷甚况再於公堂獨咄

尚伯當為令公初到不欲紛披僂俛就命亦非理屈朝廷紀綱須共存立過爾隳壞亦恐及身明天子忽震電含怒責戮曩倫之人則僕射將何辭以對

右唐顏魯公與郭僕射英又書世所謂爭坐位帖此其草也世人重公名節故併重其書重其書故草草之筆亦摹刺之人其可以不立德邪

金瓶梅詞話卷十一